

ТУОХТАРЫН ДА ХАРЫСТААБАТАХТАРА

Оройуон үлэлээн иитиллээччилэрэ кыайыдыдыалатыгар үлэлээн эрэ буолбакка, олохтоох партийнай, комсомольски советскай тэрилтэлэр көбүлээһиннэринэн, фронтга ичигэс таҥаһынан, харчынан, заемунан уо.д.а. средстволарынан элбэх көмөнү онорбуттара. 1943 сылыам ыйын 1 күнүгэр колхозтаахтар, сулууспалаахтар барыта 22556 солк. харчынан, 486 устуука араас таҥастарынан, 56 м. сатабай таҥаһынан уонна от ыйын 1 к. 23087 солк. харчынан көмөлөспүттэрэ.

1943 с. ахсынньыттан 1944 с. ыамыйын 15 к. дылы буйуннарга, сэрииттэн босхоломмут уобаластарга, сэрии инбэлииттэригэр уонна фронтовиктар кэргэттэригэр анаан 80609 солк. харчынан, анардас икки сыл устатыгар барыта 3518 устуука ичигэс таҥаһынан көмө овгорбуттара. Уопсайа 15664 солк. суумалаах баһыылка ыытыллыбыта.

Муус устар 1 к. Нам орто оскуолатын учууталларын уонна үөрэнээччилэрин коллектива «Советская Якутия» диэн танковой колонна тутуутугар 10200 солк. хомуйан ыппыттарын туһунан Верховнай Кылаабынай Командование телеграмма ыппыттара. Ол телеграммаба оскуола директора Степан Павлович Ефремов, комсомольскай тэрилтэ секретара Александра Ионовна Атласова уонна учком Михаил Гордеевскай, пионербаһаатай Илья Винокуров илии баттаабыттара. «Во имя Победы» кинигэ 47 страницатыгар мань таһынан 1943 с. фронтга коме быһыытынан 1459 солк. 30 х. суумалаах баһыылка ыытыллыбытын туһунан оччотообу оскуола профсоюзун председателя, учуутал Лазарев Г.А. отчуотугар суруллубута. БСК(б)П оройуоннаабы комитетын бастакы секретаре Иванов Гаврил Прокопьевич уонна райсовет исполкомун председателин солбуйааччы Гуляев Михаил Иванович 1943 сыл ыам ыйын 5 к. «Советская Якутия» танковой колонна тутуутугар анаан нэһилиэнньэттэн 230 тыһ. солк. хомуллан ыытыллыбытын туһунан оройуон колхозтаахтарын, рабочайдарын уонна сулууспалаахтарын ааттарыттан Верховнай Кылаабынай Командованиеба эмиэ телеграмма ыппыттара.

Сотору буолан баран ити уптэри туппуттарын туһунан Верховнай Кылаабынай Командованиеттан И.В. Сталин илии баттааһыннаах телеграмма кэлбитэ.

Итини таһынан эмиэ бу сыллаахха «Якутия» самолет тутуутугар анаан 24300 солк. суумалаах харчы хомуллан барбыта. 1942 с. бүтүүтүгэр нэһилиэнньэ ортотугар «Военный заем» сурутуута саҥаламмыта. Бу заем сурутуутугар 1943 с. фронтан демобилизацияланан кэлбиткоммунист И.Н. Протопопов саамай актыыбынай тэрийэр үлэни ыппыта. Бу саҥана аан бастагынан бу заемга Хатырык нэһилиэгиттэн Ворошилов аатынан колхоз чилиэнэ Охлопков Егор Григорьевич (Чааныс) 9 тыһ. солк. суруттарбыта уонна

онтукатын тута ыраас харчынан төлөөбүтэ. Кини оройуон үрдүнэн ыңырыы таһаарбыта. Кини ыңырыытын оройуон үлэлээн иитиллээччилэрэ өйөөннөр «Барыта фронтга!» диэн лозунунан салайтаран сурутуу хампаанньата актыыбынайдык ытыллыбыта. Онон былаан 145% туолбута. Кини бачымын Ленин аатынан колхоз председателэ Иван Николаевич Бурнашев (Топпот) бастакынан өйөөбүтэ. 3 тыһ. солк. суруйтаран баран онтукатын эмиэ тута харчынан төлөөбүтэ. Ити курдук Ворошилов аатынан колхоз председателэ Попов Дмитрий Иннокентьевич, учуутал Перевалова А.Г. уо.д.а. элбэх харчынан заемна суруйтарбыттара уонна урукку заемнарынан, харчынан элбэх киһи көмөлөспүттэрэ.

«Ленин суола», 1985 с. бэс ыйын 1 к.